

卷之四

景
鈔
元
本
綱
鑑
外
紀

冊上





重新校正集註附音資治通鑑外紀卷之一

外紀

劉恕

黃帝

索隱曰按有土德之瑞土色黃故稱黃帝

姓公孫諱軒轅索隱曰都軒轅之丘有熊國君之子也

徐廣曰號有熊索隱曰注號有熊者以其本是有熊國君之子故也生而神靈長而聰明

是時神農氏為天子皇甫謐曰易稱庖犧氏沒神農氏作是為炎帝諸侯相侵

伐神農氏弗能征炎帝侵陵諸侯蚩尤敢為彊暴二者皆

諸軒轅脩德治兵與炎帝戰而勝之又禽殺蚩尤於涿

鹿涿音卓於是諸侯咸歸軒轅代神農氏為天子是為黃

帝出史記本紀

立制

元年黃帝既為天子於是始立制度天下不順者從而征之其

土地東至于海西至于崆峒南至于江北逐薰鬻史記作薰鬻

虞以上有山戎儉邑於涿鹿之阿今燕山遷徙無常以兵師為

七五

以雲紀官 相得六 始作甲子 作舟車 畫分州 作咸法樂

營衛出史記以雲紀官史記云官名皆以雲命左傳昭公昔者命有雲瑞故以雲紀事也春官為青雲夏官為緇雲秋官為日雲冬官為黑雲中官為黃雲有土德之瑞出史記
舉風后力牧大山稽常先大鴻得六相而天地治神明至云峯風后力牧常先大鴻以治民管子云黃帝得蚩尤而明乎天道得大封而辨乎地利得蒼龍而辨乎東方得祝融而辨乎南方得大封而辨乎西方得后土而治帝受河圖見日月星辰之象於是始有星官之書後天文志云軒轅始受河圖闞苞授規命大撓反教探五行之情占斗綱所建於是始作甲子命容成造曆命隸首作算數命伶倫造律呂命車區占星氣容成兼而總之皆諸臣之名也出系本及律曆志見史曆書索隱注為文章以表貴賤服之類作舟車以濟不通出前地理志畫分州野音得百里之國萬區八家為井井一為隣隣三為朋朋三為里里五為邑邑十為都都十為師師十為兆設左右大監監於萬國出杜佑通典舉封禪之禮史記封禪與為作咸池之樂前禮志黃帝作咸池咸池備矣遠夷之國莫不入貢黃帝

五帝紀

二十五子得姓者十四人正妃二子一曰玄囂許遙反又一曰昌意皆為諸侯黃帝崩出史記本紀注云在位百一十年壽二百歲葬甲子六十五年未詳孰是以為仙去南見注昌意之子高陽立是為顓頊王征緣反下許

帝顓

號高陽黃帝之孫昌意之子也出史記

元年土地東至于蟠木海外經曰東海中有山焉名曰度索上有大桃樹屈蟠三千里西至于流沙地理志曰流沙在張掖居延縣南至于交趾北至于幽陵顓頊靜淵以有謀疏通而知事動靜之物小大之神莫不砥屬王肅曰砥平也服顓頊崩注云在位七十八年壽九十八歲葬甲子是十九年未詳孰是玄囂之孫高辛立是為帝嚳音谷並出史記本紀

帝嚳

號高辛玄囂之孫黃帝之曾孫也出史記

元年聰以知遠明以察微順天之義知民之急仁而威惠而信

聰明

仁惠

如神 天智 仁如

脩身而天下服取地之財而節用之撫教萬民而利誨之曆日月而迎送之明鬼神而敬事之其色郁郁其德巍巍史記索隱曰穆穆也巍巍德也穆穆也巍巍德也其動也時其服也士服索隱曰舉動應天時衣服高也帝嚳既執中而徧天下日月所照風雨所至莫不服從帝嚳崩其子摯立摯音至注云在位二十七年並出史記本紀帝堯外紀曰摯立九年以荒淫見廢而立堯索隱史記曰在位九年禪位於堯

學之子摯之弟也摯立封堯為唐侯摯崩堯立元年其仁如天涵言如天之涵養也其智如神言如神之微妙也就之如日言如日之照臨人咸依就之若葵藿傾心以向日也望之如雲言如雲之覆溥言德化廣大而百穀之仰膏雨也富而不驕貴而不舒索隱曰舒黃收純衣冕索隱曰收質素也純讀曰緇丹車白馬茅茨不剪出史記本紀存心於天下加志於窮民一民飢曰我飢之也一民寒曰我寒之也一民有罪曰我陷之也百姓戴之如日月親之如父母仁昭而義立德

五帝紀

十日 並出

使鯨 治水

作大 章樂

堯女 妻舜

博而化廣故不賞而民勸不罰而民治出說苑君道篇。是時十日並出焦禾殺稼又有大風契榆封稀脩蛇皆為民害許慎曰契榆反契苦八反榆音俞堯乃使羿繳大風於青丘之澤許慎曰大能壞人屋舍羿於青丘之澤繳遮使不為害也一曰以繳繫矢射殺之青丘東方澤名也上射十曰下殺契

猶斷脩蛇於洞庭禽封稀於桑林萬民欣悅莫不向服定天下道理遠近廣狹之名出淮南子本經訓。是時洪水為災堯問羣臣舉能治水者四岳舉鯨使之治水鯨為人方命圯族圯音彼反方堯試用之果然功績弗成參用堯史記。堯作樂名曰大章出前禮記曰大章。堯之子名丹朱不肖堯在位七十年求賢德可以遜位羣臣咸舉舜舜為人賢明堯亦聞之於是以二女妻舜舜以德化率二女皆執婦道堯以舜為賢遂使之攝位出史記。又二十八年堯崩在位九十八年壽一百九十八歲出史記。堯之子丹朱於河南天下朝觀獄訟者不歸丹朱而歸舜舜於是

即天子之位出孟子萬章篇

帝舜

舜盡孝悌之道

堯試其才能

黃帝八代孫也黃帝生昌意昌意生顓頊顓頊生窮蟬窮蟬生康敬康敬生句芒句芒生嶠牛嶠牛生瞽瞍瞽瞍生舜姓姚氏舜母死繼母生象父母及象皆下愚不移瞽瞍惑於後妻并少子嘗欲殺舜舜盡孝悌之道事父母待其弟每尤加恭順出史記耕于歷山鄭玄曰歷山之人皆讓畔漁于雷澤鄭玄曰雷澤今屬濟陰雷澤之人皆讓居陶于河濱皇南謚曰濟陰定陶河濱之器不苦窳索隱曰窳游南反駟謂窳病也所居成聚二年成邑三年成都二十以孝聞三十堯之子丹朱不肖求可以代已位者四岳羣臣皆舉舜堯乃召舜舜至堯將遜以位先察試其才能出史記乃使之慎徽五典五典克從納于百揆百揆時序

五帝紀

舉八元愷

去四凶

朝覲謳歌歸舜

賓于四門四門穆穆納于大麓堯于大麓昭告于天烈風雷雨弗迷陰陽和也是時高陽氏有才子八人左觀天下謂之八愷賈逵曰愷和也高辛氏有才子八人左觀天下謂之八元賈逵曰世濟其美後代成前代也言堯未及舉舜於是舉八愷使主后土舉八元使布五教於四方堯於是使舜攝位又帝鴻氏有不才子號曰渾沌渾胡亥反不開魍魎少皞氏有不才子號曰窮奇其行窮顓頊氏有不才子號曰檮杌頑凶無縉雲氏有不才子號曰饕餮貪謂之四凶堯未能去舜皆投諸四裔即共工驩兜三苗鯀也出左傳文舜以鯀治水無成功於是殛之羽山舉其子禹使之治水出史記舜攝位之後二十八年堯崩舜避位於河南天下朝覲謳歌獄訟者不歸堯之子而歸舜舜遂即天子之位

任九
官作
韶樂

薦禹
於天

論三
皇五
帝

元年舜既即位號有虞氏使禹為司空棄為后稷契為司徒皋陶為士垂為共工益為朕虞伯夷為秩宗后夔為典樂龍作納言是所謂九官也出史舜作樂名曰九韶之樂出史舜之子商均亦不肖舜於是薦禹於天使之代已位舜在位五十年南巡狩崩于蒼梧之野出史在位五十年壽一百一十歲史記云年九歲崩壽止一百歲禹避商均之位於陽城天下不歸商均而歸禹禹遂即天子之位出孟子

恕曰六經惟春秋及易象象文言說卦序卦雜卦仲尼所作詩書仲尼所刪定皆不稱三皇五帝三王易下繫曰古者包犧氏之王天下也包犧氏沒神農氏作神農氏沒黃帝堯舜氏作繼世更王而無三五之數或以包犧至舜為五帝孔子未嘗道學者不可附會臆說也管子稱明一者皇察道者帝通德者王謀得兵勝者霸孔穎達曰管子書或是後人所

五帝紀

非本書也莊子列子皆寓言誕妄秦漢學者宗其文辭論議故競稱三皇五帝而不知古無其人仲尼未嘗道也梁武帝以伏羲神農燧人為三皇黃帝少皞帝嚳帝摯帝堯為五帝舜非三王亦非五帝與三王為四代其指不通歷世紛紛莫知定論也

論五
帝

太史公曰學者多稱五帝尚矣然尚書獨載堯以來而百家言黃帝其文不雅馴薦紳先生難言之徐廣曰薦紳即縉紳也古字假借耳孔子所傳宰予問五帝德及帝繫姓儒者或不傳余嘗西至崆峒北過涿鹿東漸于海南浮江淮矣至長老皆各往往稱黃帝堯舜之風教固殊焉總之不離古文者近是索隱曰古文即帝德帝說予觀春秋國語其發明五帝德帝繫姓章矣顧第弗深考其所表見皆不虛書缺有間矣其軼乃時時見於他說索隱曰古言有年載故曰有間然帝皇遺事散軼乃非好學深思心知其意固時時旁見於他記即帝德帝系等說也

三十七

五

五

難為淺見寡聞道也余并論次擇其言尤雅者故著其本紀書首

重新校正集註附音資治通鑑外紀卷之一

重新校正集註附音資治通鑑外紀卷之二

外紀

大禹

劉恕

黃帝之玄孫也姓姁氏黃帝生昌意昌意生顓頊顓頊

生鯀鯀生禹堯時洪水滔天鯀治水無功殛死舜既攝

位舉禹使續父業出史夏紀禹為人克勤敏給其德不違其

仁可親其言可信聲為律索隱曰言禹身為度王肅曰

法禹傷父鯀功不成而受誅乃勞身焦思居外十三年

過家之門不入陸行乘車水行乘船泥行乘橈丘喬反

橈形如箕橈行泥上山行乘橦紀錄反謂以鐵如錐頭

亦作輶又子絕反山左準繩右規矩索隱曰左所運用堪為人之履下以上

王肅曰所以行不以開九州通九道陂九澤度九山命

益予衆庶之稻可種卑濕命后稷予衆庶難得之食食

聲為律身為度

四載

左準繩右規矩

堯錫
以玄圭

作大
夏
設鞀
求諫

少調有餘以均給諸侯禹乃行相地所有以貢及山川之便利於是水害皆息九州攸同四隩可居出史夏紀既禹使章亥步自東極至于西垂二億二萬三千五百里七十一步又使堅亥步自南極至于北垂二億三千五百里七十五步四海之內東西二萬八千里南北二萬六千里出史夏紀堯於是錫禹以玄圭告其成功舜既即位乃使禹為司空以宅百揆出書舜之子商均不肖乃薦禹於天使代已位舜崩于蒼梧禹避之於陽城天下之人不歸商均而歸禹禹遂即天子之位出孟子元年禹既即位國號夏仍有虞以建寅月為歲首色尚黑牲用玄以黑為徽號畧見前歷志作樂曰大夏夏大也言能大堯舜之德也出記樂懸鐘鼓磬鐸鞀以待四方之士曰教寡人以道者擊鼓諭以義者擊鐘告以事者振鐸語以憂者擊磬有

夏紀

下車
泣罪人

鑄九
鼎

命奚
仲為
車正

惡旨
酒

會諸
侯於
塗山

訟者搖鞀許慎曰鐸鈴金口木舌一饋而十起一沐三握髮以勞天下之民出淮南子。出見罪人下車問而泣之左右曰罪人不順道君王何為痛之禹曰堯舜之人皆以堯舜之心為心寡人為君百姓各自以其心為心是以痛之出說苑。初舜分天下為十二州禹復為九州出前地收天下美銅鑄為九鼎以象九州左傳宣三年昔夏之方有德也遠方圖物貢金。昔黃帝作車少皞加牛奚仲加馬禹命奚仲為車正建旌旗旂旒以別尊卑等級畧見管子。古有醴酪上音禮禹時儀狄作酒禹飲而甘之遂疏儀狄絕旨酒曰後世必有以酒亡國者出世。禹任臯陶益以國政出史。是時天雨金三日出淮南子。禹娶塗山氏女生子啓禹南巡狩會諸侯於塗山承唐虞之盛執玉帛者萬國出書益稷篇禹濟江黃龍負舟舟中人懼禹仰天而歎曰吾受命於天竭力而勞萬民生寄也死歸也余何憂於龍也

風戡防

有典則貽子孫

征有扈氏

視龍猶蝦蟇上音偃下音捷許慎曰蝦蟇蟇也或曰守宮也東方朔覆射對武帝曰謂為龍而无角謂為蛇而有足非守宮也禹顏色不變湏臾龍俛首低尾而逝出淮南子禹致羣臣於會稽致猶也防風氏後至禹戡之出家語有典則以貽子孫出書五禹嘗薦益於天七年禹崩在位九年壽一百歲益避位於箕山天下之人不歸益而歸啓啓乃即天子之位出孟子

帝啓

禹之子也初禹嘗薦益於天既得七年禹崩益避啓於箕山天下諸侯朝覲及謳歌獄訟不之益而之啓曰吾君之子也啓乃即位出孟子

元年啓既即位乃即鈞臺以享諸侯出左時有扈氏無道啓乃召六卿以征之出書廿啓在位十年崩出書子太康立

太康

夏紀

啓之子也

元年太康即位荒逸弗恤國事畋獵於洛水之表十旬弗歸有窮之君后羿非堯時射日者也因民之怨距之於河弗許歸國厥弟五人作歌以怨之出書五太康既失國不得歸在位三十年后羿乃立太康之弟仲康出書仲康立

仲康

太康之弟也

元年仲康即位命胤侯征羲和出書胤仲康之立出於后羿后羿專權羲和守義不服故后羿假仲康之命以征之出書在位十四年崩出書子相立出書

帝相

寒浞殺后羿

后羿專權

后羿距于河

元年帝相既立時權歸后羿既專夏權有寒浞者浞初后羿之嬖臣也陰欲奪羿之位而羿不之知其後遂殺羿而居其位

有田一成
衆一旅
滅澆
夏道
復興

索隱曰左傳魏莊子曰昔有夏之衰也后羿自鉅迁于窮石因夏人而代夏政持其射也不修人事而信用伯明氏之饒子寒澆及豷使澆滅斟灌氏及斟尋氏而相為澆所滅后緡歸于有仍生少康澆于過后杼滅豷于戈有窮遂亡然則帝相既被篡然中間經羿澆二氏蓋三數十年而此紀總不言之直云帝相崩子少康立踈畧之甚

少康

帝相之子也其母帝相之后有仍國君之女也寒澆殺羿滅夏氏時少康方在懷妊相后乃奔歸有仍之國而生少康焉有田一成對有衆一旅五百能布其德而兆其謀以收夏衆而撫其官夏有舊臣靡音也自有鬲氏鬲音舉兵滅澆而立少康少康使其臣女艾滅澆澆吾于過使其子季杼滅豷于戈杼徒呂反豷翁既反澆豷乃歸故都即位詳見左傳

夏紀

元年於是夏道復興諸侯來朝出通曆在位二十年崩不言子杼

立出史記

帝杼

少康之子也

元年帝杼既嗣立居位享國凡十有七年崩不言壽年帝杼既崩子

槐立是為帝槐出史記索隱曰槐音回

帝槐

杼之子也

元年帝槐嗣立享國居位凡二十六年而崩帝杼既崩不言壽年子

芒立是為帝芒出史記索隱曰芒音亡

帝芒

槐之子也

元年帝芒既嗣立居位享國凡十有八年而崩帝芒既崩不言壽年子

泄立是為帝泄出史記

六夷
從服

帝泄

元年帝泄既嗣立是時六夷服從始加爵命之制史記不載此事帝泄在位凡十有七年而崩壽年不言子不降立是為帝不降史記

泄之子也

元年不降之弟帝高嗣立居位享國凡二十有一年崩帝高既崩壽年不言子厘立是為帝厘出史記索隱曰厘音觀鄰誕生又音勤

帝厘

高之子也

元年帝厘嗣立居位享國凡二十年崩帝厘既崩壽年不言子孔甲立是為孔甲出史記

孔甲

厘之子也

夏紀

好鬼
神

劉累
秦龍

元年既即位好鬼神之事不務脩德諸侯多叛時天降乘龍有雌雄孔甲不能食音而未獲秦龍氏秦音惠賈逵曰秦養也穀食曰秦陶唐氏既衰其后有劉累學擾龍于秦龍氏應劭曰擾音柔擾馴也龍馴養得其嗜慾事孔甲能飲食之夏后嘉之賜氏曰御龍以更豕韋之後龍一雌死潛醢以食夏后醢音海夏后享之既而使求之累懼而遷于魯縣出史記在位三十二年崩壽年不言子皐立

帝皐

孔甲之子也

元年帝皐既立享國在位凡十有一年而崩壽年不言帝皐既崩子發立是為帝發出史記

帝發

皐之子也

元年帝發既立享國在位凡十有三年而崩壽年不言帝發既崩子

履癸立是為帝履癸出史記

履癸

發之子也是為桀謚法賊虐曰桀

元年自孔甲以來諸侯多叛桀尤為無道暴戾頑狠貪虐荒淫殘傷百姓天下顛怨顛音戰而患之桀有力能申鐵鉤索伐有施

酒肉山池

氏有施人以妹喜女焉喜有寵所言皆從為傾宮瑤臺彈百姓之財肉山脯林酒池可以運船糟隄可以望十里一鼓而牛飲者三千人妹喜笑以為樂殷湯脩德諸侯畏服桀起九夷之師欲以伐湯九夷之師不至伊尹佐湯帥師以伐桀桀戰不勝奔於三朶之國湯又從而伐之放於南巢而死出史記

右夏十七王合四百三十二年史記註四百七十八年

太史公曰禹為姒姓其後分封用國為姓故有夏后氏有扈氏有男氏斟尋氏彤城氏褒氏費氏祀氏繒氏辛氏冥氏斟氏戈

夏紀

氏孔子正夏時學者多傳夏小正云自虞夏時貢賦備矣或言禹會諸侯江南計功而崩因葬焉命曰會稽會稽者會計也稽山在浙江之東即其地所也

重新校正集註附音資治通鑑外紀卷之二

Blank columns for text on the right page.

重新校正集註附音資治通鑑外紀卷之三

外紀

成湯外紀云國號商盤庚以後方始號殷

劉恕

黃帝之後也姓子氏初帝嚳次妃簡狄見玄鳥墮郊取

而吞之遂生契音薛索隱曰燕周云契生堯代舜始奉

城氏女向宗婦三人浴于川玄鳥遺卵簡狄吞之則簡狄非帝嚳次妃明矣契事唐虞為司徒

教民有功封於商賜姓子氏契生昭明昭明生相土

相土生昌若昌若生曹圉曹圉生冥冥生振振生微微

生報丁報丁生報乙報乙生報丙報丙生主壬主壬生

主癸主癸生天乙是為成湯出史是時伊尹耕于有莘

之野湯使人以幣聘之因說湯以伐桀救民之事出孟子

湯進伊尹于桀桀不能用伊尹復歸湯桀殺直臣龍逢

衆庶莫敢直言湯使人哭之桀怒囚湯于夏臺已而得

以幣聘伊尹

去三
百網

放祭
于南
巢

改正
朔

釋祭將亡賢臣費昌歸湯出史湯出見人張網四面而祝之曰從天墜者從地出者從四方來者皆罹吾網湯解其三面止置一面更祝曰欲左者左欲右者右欲高者高欲下者下不用命者乃入吾網此句出漢南諸侯聞之曰湯德及禽獸歸之者四十餘國出新祭無道暴戾殘虐百姓伊尹相湯伐桀費昌為御與桀戰于鳴條桀師敗績湯遂放桀于南巢諸侯大會湯退而就諸侯之位曰天子惟有道者可以處之可以治之三讓諸侯皆推湯於是即天子之位都於亳出史

商紀

元年湯既即位反桀之事以寬治民除其邪虐順民所喜遠近歸之乃改正朔自夏之前皆以建寅之月為正月湯既革夏命乃以建丑之月為正月又云以十月冬至為元色尚白牲用白以白為徽號服暉冠而縞衣以上出書及記明堂位○初二

七年
大旱

六事
自責

作大
獲樂

相以伊尹仲虺為之出通。大旱七年太史占之曰當以人禱湯曰吾所為請雨者民也若以人禱吾請自當遂齋戒剪髮斷爪素車白馬身嬰白茅以身為犧禱於桑林之野祝曰無以余一人之不敏傷民之命以六事自責曰政不節歟民失職歟宮室崇歟女謁盛歟苞苴行歟讒夫昌歟言未已大雨方數千里出通曆及荀大畧篇文不全又以莊山之金鑄幣救民之命出管子。作樂曰大獲前出禮記及○初作囿取禽獸以奉宗廟。在位十三年崩壽一百歲太子太丁早卒湯崩次子外丙立出史

外丙

湯之子也

元年外丙嗣立即位二年而崩不具弟仲壬立出史記按尚書子故嫡孫太甲即位孟子曰外丙二年仲壬四年外紀引孟子為是

仲壬

元年仲壬既嗣立，在位享國凡四年而崩。不具壽年仲壬既崩，湯太子太丁之子太甲立，是為太甲。出史記

太甲

湯之嫡孫太丁之子也

顛覆
典刑
自怨
自艾

元年既即位，不明厥德，顛覆湯之典刑。伊尹放之于桐宮。湯墓所也乃自攝政當國，以朝諸侯。太甲居桐三年，自怨自艾，處仁遷義。伊尹乃以冕服奉太甲復歸于亳。以上出書太甲反孟子太甲增加脩德，諸侯咸歸保惠，庶民不敢侮鰥寡。號為太宗。出史記在位三十三年崩。不具壽年子沃丁立。出史記

沃丁

太甲之子也

元年沃丁嗣位，委任賢臣，咎單咎單一順伊尹所行之事。在位二十九年而崩。不具壽年弟太庚立。出史記

商紀

太庚

沃丁之弟也

元年太庚嗣立，在位享國凡二十有五年而崩。不言壽年太庚既崩，小甲立，是為小甲。出史記

小甲

太庚之子也

元年小甲嗣立，享國在位凡三十有六年而崩。不具壽年小甲既崩，弟雍已立，是為雍已。出史記

雍已

小甲之弟也

商道
寢衰

元年雍已嗣位，商道寢衰，諸侯或不至。在位享國凡十有四年而崩。不具壽年弟太戊立，是為太戊。出史記

太戊

雍已之弟也

脩德
死桑枯

元年亳有祥桑穀共生于朝七日大拱孔安国曰祥妖怪也二
史記作二暮大拱說苑作比旦而拱太戊問於伊陟伊陟曰妖
不勝德君之政其有闕欵太戊於是脩先王之政明養老之礼

復商道

三年遠方重譯而至者七十六国有賢臣巫咸臣扈等共輔佐
之商道復興號稱中宗在位七十五年崩不具子仲丁立出史

仲丁

太戊之子也

于遷都
于蹠

元年仲丁既立是時亳都有河決之害乃自亳迁都于蹠藍夷
為寇仲丁征之在位十有二年而崩不具弟外壬立出史

外壬

仲丁之弟也

商紀

元年外壬嗣立享國在位凡五年而崩不具外壬既崩弟河曹
甲立是為河曹甲出史

河曹甲

外壬之弟也

于遷都
于相

元年河曹甲立是時蹠都有河決之害遂自蹠遷都于相在位
凡十年而崩不具子祖乙立出史

祖乙

河曹甲之子也

于遷都
于耿

元年祖乙既立是時相都又有河決之害乃自相而遷都于耿
在位凡二十年而崩不具子祖辛立出史

祖辛

祖乙之子也

元年祖辛嗣立享國在位凡十有六年而崩不具祖辛既崩弟

沃甲嗣位是為沃甲出史

沃甲

祖辛之弟也

元年沃甲嗣立享國在位凡二十年而崩不具壽年沃甲既崩祖辛之子祖丁立出史

祖丁

祖辛之子也

元年祖丁嗣立居位享國凡三十有二年而崩不具壽年祖丁既崩沃甲之子南庚立出史

南庚

沃甲之子也

元年南庚嗣立居位享國凡二十有九年而崩不具壽年南庚既崩其弟陽甲嗣立出史

商紀

陽甲

南庚之弟也

元年自仲丁以來子弟爭立九世亂諸侯莫朝陽甲在位八年而崩不具壽年弟盤庚立出史

盤庚

陽甲之弟也

遷都于亳

元年盤庚嗣立時商道寢衰耿都又有河決之害乃自耿遷都于亳臣民皆安土重遷盤庚作書以告諭臣民遂遷于亳從湯所都盤庚行湯之政商道復興諸侯來朝在位二十九年而崩不具壽年弟小辛立出史

小辛

盤庚之弟也

元年小辛嗣立殷道又衰小辛在位凡二十有二年而崩不具壽年

小辛崩其弟小乙立出史

小乙

小辛之弟也

元年小乙嗣立位享國凡二十二年而崩不具壽年小乙既崩其子武丁立是為高宗

高宗武丁

小乙之子也

夢帝元年武丁自為太子之時備知民事艱難小乙崩武丁居喪三年不言既免喪亦不言夢上帝賚以良弼乃使人以彤旁求於天下得傳說於版築之間命以為相進諫論列天下之事君臣道合政事脩舉出書及史紀武丁祭成湯有飛雉升鼎耳而雉鳴于鼎祖已訓諸王出書高宗彤日武丁內反諸已以思王道三年編髮重譯來朝者六國自是章服多用翟羽用所貞苑云二年之

商紀

伐鬼方易既濟云高宗伐鬼方道復興號為高宗在位五十九年而崩不具壽年子祖庚立

祖庚

高宗之子也

元年祖庚嗣立位享國凡十有七年而崩不具壽年祖庚既崩其弟祖甲立是為祖甲出史

祖甲

祖庚之弟也

元年祖甲嗣立為人淫亂殷衰在位享國凡十有七年而崩不具壽年子廩辛立出史

廩辛

祖甲之子也

元年廩辛嗣立位享國凡六年而崩不具壽年廩辛既崩其弟庚

丁立是為庚丁出史

庚丁

祖甲次子也

元年庚丁嗣立位享國凡二十三年而崩不具年庚丁既崩子武乙立是為武乙出史

武乙

庚丁之子也

元年時東夷寢盛分遷海岱武乙無道為偶人謂之天神與傳不勝而戮之為革囊盛血仰射之謂射天在位五年獵於河渭之間暴雷震死子太丁立出史

太丁

武乙之子也

命公
季為
牧師

元年時周公季伐我羗克之太子命公季為牧師即周王太丁

商紀

在位十四年而崩不言壽年子乙立是為帝乙出史

帝乙

太丁之子也

元年時商益衰帝乙有三子長曰微子啓次曰中衍季曰受德受德即紂也紂之母為后賢紂尚少帝乙及后欲立啓為太子太史據法爭之曰有妻之子不可立妾之子乃立紂在位四十七年崩不言壽年子紂立出史

紂

帝乙之子也是為紂法殘義

拒諫
飾非
象箸
玉杯

元年紂資辨捷疾聞見甚敏材力過人手格禽獸智足以拒諫言足以飾非以為天下皆出已之下出史。始為象箸象箸為同箕子歎曰彼為象箸必不盛以土簋將為犀玉之杯玉杯象箸必不美菽藿衣短褐而舍於茅茨之下則錦衣九重高臺廣

造鹿臺

酒池肉林


炮烙之刑

室稱此以求天下不足矣遠方珍怪之物輿馬宮室之漸自此而始故吾畏其卒也出史宋。是時有蘇氏以妲己女焉妲己反。妲己有寵其言是從所好者貴之所憎者誅之。使師延史作作朝歌北鄙之音北里之舞靡靡之樂出史。造鹿臺為瓊室玉門其大三里高千尺七年乃成出新序。厚賦斂以實鹿臺之財盈鉅橋之粟出史。燎焚天下之財罷苦力民之力出淮。收狗馬奇物充仞充滿。宮室以人食獸廣沙丘苑臺以酒為池縣肉為林男女僕相逐於其間宮中九市為長夜之飲百姓怨望出史。諸侯有叛者妲己以為罰輕誅薄威不立於是重為刑辟為熨斗以火燒然使人舉之手爛更為銅柱以膏塗之加於炭火之上使有罪者緣之紂與妲己以為大樂名曰炮烙之刑出史。紂以周侯昌文王及九侯鄂侯為三公九侯進女於紂女不喜淫紂殺之而醢九侯鄂侯爭之併殺鄂侯昌聞之歎息紂乃

囚昌於羑里昌之臣散宜生之徒求有莘氏之美女及珍寶進之紂大悅乃釋昌罪更賜昌得專征伐為侯伯昌退而脩德諸侯多叛紂而歸昌昌卒其子發率兵伐紂紂與戰不勝乃衣寶玉自焚而死在位三十四年出史。右殷三十五王合六百二十八年。太史公曰余以頌次契之事自成湯以來采於書詩契為子姓其後分封以國為姓有殷氏來氏宋氏空峒氏稚氏比殷氏目夷氏孔子曰殷路車為善而色尚白。

重新校正集註附音資治通鑑外紀卷之三

國



三
文
三
E

8

律